

„Službene novine Federacije BiH“ broj: 18/08

Na osnovu člana 12. stav 1. tačka 21., a u vezi sa članom 13. stav 1. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04), Komisija za vrijednosne papire Federacije Bosne i Hercegovine, na 183. sjednici održanoj 26. marta 2008. godine, donijela je

PRAVILNIK

O IZMJENAMA I DOPUNAMA PRAVILNIKA O NAČINU UPISA I VOĐENJA REGISTRA EMITENATA VRIJEDNOSNIH PAPIRA KOD KOMISIJE ZA VRIJEDNOSNE PAPIRE FEDERACIJE BOSNE I HERCEGOVINE

Član 1.

U Pravilniku o načinu upisa i vođenja registra emitenata kod Komisije za vrijednosne papire Federacije Bosne i Hercegovine ("Službene novine Federacije BiH", broj 49/99 i 4/05) iza člana 2. dodaje se novi član "2a" koji glasi:

"Član 2a.

Registar se sastoji od dva dijela: registra osnovnih i registra dodatnih podataka.

U registar osnovnih podataka upisuju se sljedeći podaci o:

1. osnovnom kapitalu emitenta: upisani i uplaćeni;
2. vrijednosnom papiru: vrsta, klasa, serija, broj izdatih vrijednosnih papira, nominalna vrijednost, datum emisije, prava iz vrijednosnog papira odnosno obaveze emitenta (upravljačka i imovinska);
3. nadzornom odboru emitenta: ime, prezime, JMB, navod o tome da li je član ili predsjednik nadzornog odbora, adresa prebivališta.

U registar dodatnih podataka upisuju se sljedeći podaci o:

1. emitentu: firma i sjedište, matični broj subjekta upisa (MBS), šifra djelatnosti, povezana lica sa emitentom (učešće u kapitalu i dr.), poštanski broj, telefon, fax i e-mail adresa;
2. licima ovlaštenim za zastupanje emitenta: ime i prezime, adresa prebivališta, grad-općina, poštanski broj, JMB;
3. upravi emitenta: ime i prezime, JMB, funkcija, adresa prebivališta;
4. finansijskom poslovanju emitenta i drugi podaci u skladu sa posebnom odlukom Komisije.

Upis emitenta u Registar kod Komisije, promjena izvršenih upisa iz stava 2. ovog člana i brisanje emitenta iz Registra vrši se na osnovu rješenja po provedenom upravnom postupku.

Upis podataka iz stava 3. tač. 1- 3. ovog člana, kao i promjena tih upisa, vrši se neposredno, bez provođenja upravnog postupka, upisom u Registar na osnovu prijave emitenta, u skladu sa zakonom, ovim pravilnikom i drugim propisima Komisije.

Upis podataka iz stava 3. tačka 4. ovog člana vrši se neposredno, bez provođenja upravnog postupka, upisom u Registar na osnovu izvještaja i obavještenja koja se Komisiji dostavljaju na osnovu zakona i drugih propisa.

Prijava upisa podataka iz stava 3. tač. 1.- 3. ovog člana smatra se, u smislu odredaba ovog pravilnika, obavještenjem, u skladu sa članom 12. stav 1. tačka 1. i članom 21. Zakona o Komisiji za vrijednosne papire."

Član 2.

U članu 3. stav 1. tačka 3. briše se.

Član 3.

Član 4. mijenja se i glasi:

"Prijava i prilozi uz prijavu služe za upis podataka koji se odnose na podatke iz člana 2a. stav 2. i stav 3. tač. 1.-3 ovog Pravilnika."

Član 4.

U članu 5. stav 2. mijenja se i glasi:

"Registarski listovi služe za upis podataka iz člana 2a. stav 2. i stav 3. tč. 1.- 3 ovog Pravilnika."

Iza stava 3. dodaje se novi stav 4. koji glasi:

"Registar emitenata vodi se i u elektronskom obliku u koji se unose svi podaci iz člana 2a. ovog Pravilnika."

Član 5.

U članu 7. stav 3. mijenja se i glasi:

"Izvod i uvjerenje o podacima iz Registra izdaje se samo o podacima koji se upisuju na osnovu rješenja Komisije."

Član 6.

Član 14. mijenja se i glasi:

"Svaki emitent u Registru dobiva brojčanu oznaku, po kojoj se razvrstava u grupe emitenata, i to:

1. dioničko društvo (uopće)- 01;
2. banka i društvo za osiguranje- 02;
3. investicioni fond-03;
4. društvo za upravljanje investicionim fondovima- 04;
5. Bosna i Hercegovina- 05;
6. Federacija Bosne i Hercegovine- 06;
7. drugi entitet u Bosni i Hercegovini- 07;
8. Brčko Distrikt Bosne i Hercegovine- 08;
9. kanton-09;
10. općina- 10;

11. društvo sa ograničenom odgovornošću i druga pravna lica koja po zakonu mogu biti emitenti vrijednosnih papira ili se upisuju u registar emitenata- 11.

Registarski broj emitenta čini broj iz stava 1. ovog člana i redni broj upisa u Registar."

Član 7.

U članu 15. stav 1. riječi: "odnosno ispravno popunjene prijave i prilozi, te priložene odgovarajuće isprave" brišu se.

Stavovi 3. i 4. brišu se.

Član 8.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH", a primjenjivat će se od 01. 05. 2008. godine.

Broj 01-02-1141/08
26. marta 2008. godine
Sarajevo

Predsjednik
Komisije za vrijednosne papire
Federacije Bosne i Hercegovine
mr. **Hasan Čelam**, s. r.

Temeljem članka 12. stavak 1. točka 21., a u svezi članka 13. stavak 1. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04), Komisija za vrijednosne papire Federacije Bosne i Hercegovine, na 183. sjednici odražnoj 26. ožujka 2008. godine, donijela je

PRAVILNIK

O IZMJENAMA I DOPUNAMA PRAVILNIKA O NAČINU UPISA I VOĐENJA REGISTRA EMITENATA VRIJEDNOSNIH PAPIRA KOD KOMISIJE ZA VRIJEDNOSNE PAPIRE FEDERACIJE BOSNE I HERCEGOVINE

Članak 1.

U Pravilniku o načinu upisa i vođenja registra emitenata kod Komisije za vrijednosne papire Federacije Bosne i Hercegovine ("Službene novine Federacije BiH", broj 49/99 i 4/05) iza članka 2. dodaje se novi članak "2a" koji glasi:

"Članak 2a.

Registar se sastoji od dva dijela: registra temeljnih i registra dodanih podataka.

U registar temeljnih podataka upisuju se sljedeći podaci o:

1. temeljnom kapitalu emitenta: upisani i uplaćeni;
2. vrijednosnom papiru: vrsta, klasa, serija, broj izdatih vrijednosnih papira, nominalna vrijednost, nadnevak emisije, prava iz vrijednosnog papira odnosno obveze emitenta (upravljačka i imovinska);
3. nadzornom odboru emitenta: ime, prezime, JMB, navod o tome da li je član ili predsjednik nadzornog odbora, adresa prebivališta.

U registar dodanih podataka upisuju se sljedeći podaci o:

1. emitentu: firma i sjedište, matični broj subjekta upisa (MBS), šifra djelatnosti, povezane osobe sa emitentom (sudjelovanje u kapitalu i dr.), poštanski broj, telefon, fax i e- mail adresa;
2. osobama ovlaštenim za zastupanje emitenta: ime i prezime, adresa prebivališta, grad-općina, poštanski broj, JMB;
3. upravi emitenta: ime i prezime, JMB, funkcija, adresa prebivališta;
4. finansijskom poslovanju emitenta i drugi podaci sukladno posebnoj odluci Komisije.

Upis emitenta u Registar kod Komisije, promjena izvršenih upisa iz stavka 2. ovog članka i brisanje emitenta iz Registra vrši se na temelju rješenja po provedenom upravnom postupku.

Upis podataka iz stavka 3. toč. 1- 3. ovog članka, kao i promjena tih upisa, vrši se izravno, bez provođenja upravnog postupka, upisom u Registar na temelju prijave emitenta, sukladno zakonu, ovom pravilniku i drugim propisima Komisije.

Upis podataka iz stavka 3. točka 4. ovog članka vrši se izravno, bez provođenja upravnog postupka, upisom u Registar na temelju izvješća i obavjesti koji se Komisiji dostavljaju na temelju zakona i drugih propisa.

Prijava upisa podataka iz stavka 3. toč. 1.- 3. ovog članka smatra se, u smislu odredaba ovog pravilnika, obavjesti, sukladno članku 12. stavak 1. točka 1. i članku 21. Zakona o Komisiji za vrijednosne papire."

Članak 2.

U članku 3. stavak 1. točka 3. briše se.

Članak 3.

Članak 4. mijenja se i glasi:

"Prijava i prilozi uz prijavu služe za upis podataka koji se odnose na podatke iz članka 2a. stavak 2. i stavak 3. toč. 1.- 3 ovog Pravilnika."

Članak 4.

U članku 5. stavak 2. mijenja se i glasi:

"Registarski listovi služe za upis podataka iz članka 2a. stavak 2. i stavak 3. toč. 1.-3 ovog Pravilnika."

Iza stavka 3. dodaje se novi stavak 4. koji glasi:

"Registar emitenata vodi se i u elektronskom obliku u koji se unose svi podaci iz članka 2a. ovog Pravilnika."

Članak 5.

U članku 7. stavak 3. mijenja se i glasi:

"Izvod i uvjerenje o podacima iz Registra izdaje se samo o podacima koji se upisuju na temelju rješenja Komisije."

Članak 6.

Članak 14. mijenja se i glasi:

"Svaki emitent u Registru dobiva brojčanu oznaku, po kojoj se razvrstava u grupe emitenata, i to:

1. dioničko društvo (uopće)- 01;
2. banka i društvo za osiguranje- 02;
3. investicijski fond- 03;
4. društvo za upravljanje investicijskim fondovima- 04;
5. Bosna i Hercegovina- 05;
6. Federacija Bosne i Hercegovine- 06;
7. drugi entitet u Bosni i Hercegovini- 07;
8. Brčko Distrikt Bosne i Hercegovine- 08;
9. kanton-09;
10. općina- 10;
11. društvo sa ograničenom odgovornošću i druge pravne osobe koje po zakonu mogu biti emitenti vrijednosnih papira ili se upisuju u registar emitenata- 11.

Registarski broj emitenta čini broj iz stavka 1. ovog članka i redni broj upisa u Registar."

Članak 7.

U članku 15. stavak 1. riječi: "odnosno ispravno popunjene prijave i prilozi, te priložene odgovarajuće isprave" brišu se.

Stavci 3. i 4. brišu se.

Članak 8.

Ovaj Pravilnik stupa na snagu narednog dana od dana objave u "Službenim novinama Federacije BiH", a primjenjivat će se od 01. 05. 2008. godine.

Broj 01-02-1141/08
26. ožujka 2008. godine
Sarajevo

Predsjednik
Komisije za vrijednosne papire Federacije Bosne i Hercegovine
mr. **Hasan Čelam**, s. r.